



Concello de Mugardos

Expediente núm.: 1225/2025

Informe de control permanente sobre modificación da ordenanza fiscal nº3-I reguladora sobre o imposto sobre vehículos de tracción mecánica.

Procedemento: Imposición e Ordenación de Tributos

INFORME DE CONTROL PERMANENTE PREVIO SOBRE MODIFICACIÓN DE ORDENANZAS FISCAIS DE IMPOSTOS LOCAIS

Esta Intervención, acordo co ordenado pola concelleira delegada de Facenda e Promoción económica mediante providencia de data 15 de setembro de 2025, e en virtude das atribucións de control citadas e establecidas no artigo 213 do Texto Refundido da Lei Reguladora das Facendas Locais, aprobado por Real Decreto Legislativo 2/2004, de 5 de marzo, e desenvolvidas no Real Decreto 424/2017, de 28 de abril, polo que se regula o réxime xurídico do control interno nas entidades do Sector Público Local; e en atención ás facultades recollidas no artigo 4.1.b).5.º do Real Decreto 128/2018, de 16 de marzo, polo que se regula o réxime xurídico dos funcionarios de Administración Local con habilitación de carácter nacional, emite o seguinte

INFORME

PRIMEIRO. De conformidade co previsto no Texto Refundido da Lei Reguladora das Facendas Locais, aprobado por Real Decreto Legislativo 2/2004, de 5 de marzo, as Entidades Locais disporán de recursos suficientes para o cumprimento dos seus fins, recursos entre os que se atopan os tributos propios.

En atención a iso e á potestade regulamentaria conferida ás Entidades Locais polo artigo 4.1.a) da Lei 7/1985, de 2 de abril, Reguladora das Bases do Réxime Local, será posible establecer e esixir tributos a través das súas propias Ordenanzas fiscais, atribución que vén conferida ao Pleno, conforme dispón o artigo 22.2.d) da citada Lei. A validez do Acordo requirirá o voto favorable da maioría simple dos membros presentes, como se establece no artigo 47.1 da mesma norma.

SEGUNDO. A Lexislación aplicable vén establecida por:

-Os artigos 15 ao 19 do Texto Refundido da Lei Reguladora das Facendas Locais, aprobado por Real Decreto Legislativo 2/2004, de 5 de marzo.(TRLRFL)

-Os artigos 92 ao 99 do Texto Refundido da Lei Reguladora das Facendas Locais, aprobado por Real Decreto Legislativo 2/2004, de 5 de marzo, que recollen a regulación do Imposto sobre vehículos de tracción mecánica.(TRLRFL)

-Os artigos 22.2.d) e e) e 47.1 da Lei 7/1985, de 2 de abril, Reguladora das Bases do Réxime Local.

-O Título I e II de Lei 58/2003, de 17 de decembro, Xeral Tributaria.

-O artigo 129 da Lei 39/2015, de 1 de outubro, do Procedemento Administrativo Común das Administracións Públicas.

-O artigo 7.3 da Lei Orgánica 2/2012, de 27 de abril, de Estabilidade Orzamentaria e Sustentabilidade Financeira.





Concello de Mugardos

TERCEIRO. As Entidades Locais, de conformidade co artigo 59.1 do Texto Refundido da Lei Reguladora das Facendas Locais, aprobado por Real Decreto Lexislativo 2/2004, de 5 de marzo, esixirán o Imposto sobre vehículos de tracción mecánica (IVTM) de acordo coas pautas contidas na referida norma.

Así, os impostos de natureza obrigatoria non necesitan da aprobación dunha Ordenanza para ser esixidos, tal e como prescribe o artigo 38 do citado Texto legal, salvo que o municipio queira facer uso das facultades que ten conferidas na fixación dos elementos necesarios para a determinación das respectivas cotas tributarias: determinación do tipo de gravame e o establecemento de determinadas bonificacións e exencións, nese caso, procederá aprobar a correspondente Ordenanza fiscal.

O Concello de Mugardos fixo uso desa facultade mediante a aprobación da ordenanza fiscal nº3-I , reguladora do imposto sobre vehículos de tracción mecánica, publicada no BOP da Coruña núm. 263, do 15.11.2003, con modificacións posteriores publicadas nos BOP nº267 do 22.11.2005, no BOP nº271 do 23.11.2007, no nº248 do 21.12.2012, no nº243 do 26.12.2017 e no nº245 do 27.12.2021.

Vaise proceder a modificar varios artigos, coa seguinte redacción:

-Se modifica o texto do artigo 3, que pasa a ter a seguinte redacción:

ARTÍCULO 3.-EXENCIONES.

1.Estarán exentos do imposto os vehículos para persoas de mobilidade reducida a que se refire o apartado A do anexo II do Regulamento xeral de vehículos, aprobado por Real decreto 2.822/1988, de 23 de decembro. Así mesmo, están exentos os vehículos matriculados a nome de persoas con discapacidade para o seu uso exclusivo. Esta exención aplicarase mentres se manteñan ditas circunstancias, tanto aos vehículos conducidos por persoas con discapacidade como aos destinados ao seu transporte. Para os efectos do disposto neste parágrafo, considerárase persoa con discapacidade quen posúa esta condición legal en grao igual ou superior ao 33 por cento.

Para poder obter a presente exención, os interesados deberán solicitala ante o Concello, ou ante a Deputación Provincial da Coruña no caso de delegar nesta administración as competencias en materia tributaria do imposto, ou o imposto municipal que o complementa ou substitúa no futuro, con anterioridade ao devengo do imposto, indicando as características do vehículo, a súa matrícula e a causa do beneficio. A notificación na que se resolva a concesión da exención servirá de documento acreditativo da súa existencia. Xunto coa petición de exención, os interesados deberán achegar a seguinte documentación:

- Vehículos conducidos por personas con discapacidad:

- a) Certificado do grao de discapacidade expedido polo órgano competente da Comunidade Autónoma no que conste o grao de discapacidade padecida.
- b) Permiso de condución (anverso e reverso) a nome do discapacitado.
- c) Permiso de circulación a nome do discapacitado.
- d) Póliza do seguro do vehículo na que figure o discapacitado como único conductor do mesmo.
- e) Fotocopia do D.N.I. da persoa discapacitada
- f) Ficha técnica do vehículo.
- g) Declaración de uso exclusivo do vehículo para o transporte do beneficiario da exención.





Concello de Mugardos

- Vehículos destinados ao transporte de persoas discapacitadas:

- a) Certificado do grao de discapacidade expedido polo órgano competente da Comunidade Autónoma, no que conste ademais do grao de discapacidade, que a persoa con discapacidade ten necesidade de asistencia de terceiras persoas.
- b) Permiso de circulación a nome da persoa discapacitada.
- c) Póliza do seguro do vehículo na que conste o conductor habitual.
- d) Fotocopia do D.N.I. da persoa discapacitada e do conductor habitual do vehículo.
- e) Ficha técnica do vehículo.
- f) Declaración de uso exclusivo do vehículo para o transporte do beneficiario da exención.

As exencións que no seu caso se concedan en calquera dos dous casos non serán aplicables aos suxeitos pasivos beneficiarios das mesmas por máis dun vehículo simultaneamente.

A concesión das exencións previstas no presente apartado queda supeditada á non existencia de débeda, por calquera concepto, co Concello de Mugardos.

A estos efectos, entenderase que o suxeto pasivo se atopa ao corrente das súas obrigas tributarias cando non mantén co Concello débedas ou sancións tributarias en período executivo, agás que foran aplazadas, fraccionadas ou suspendidas.

2. Estarán exentos os tractores, remolques, semirremolques e maquinaria provistos da Cartilla de inspección agrícola ou inscritos no Rexistro Oficial de Maquinaria Agrícola (ROMA).

Para poder gozar da exención á que se refire a letra g) do apartado 1 do artigo 93 do Real Decreto Legislativo 2/2004, de 5 de marzo, os interesados/as deberán solicitala ante o Concello, ou ante a Deputación Provincial da Coruña no caso de delegar nesta administración as competencias en materia tributaria do imposto, ou o imposto municipal que o complementa ou substitúa no futuro, con anterioridade ao devengo do imposto, indicando as características do vehículo, a súa matrícula e a causa do beneficio. Declarada a exención expedirase un documento que acredite a súa concesión, sempre que se manteñan as condicións de non existencia de débeda co concello por ningún concepto e deberán achegar a seguinte documentación:

- a) Solicitude normalizada de exención.
- b) Fotocopia do DNI do solicitante.
- c) Fotocopia e orixinal ou fotocopia compulsada do permiso de circulación do vehículo.
- d) Fotocopia e orixinal ou fotocopia compulsada da cartilla de inspección agrícola, a nome do posible beneficiario/a da exención ou a Inscripción no Rexistro Oficial de Maquinaria Agrícola (ROMA).
- e) Fotocopia e orixinal ou fotocopia compulsada do certificado de características técnicas do vehículo, coa inspección técnica en vigor, no seu caso.

A notificación da resolución da concesión da exención servirá de documento acreditativo da súa existencia.

-Se modifica o texto do artigo 5, que pasa a ter a seguinte redacción:

ARTÍCULO 5.-COTA TRIBUTARIA

As cotas tributarias do imposto sobre vehículos de tracción mecánica serán a s resultantes de aplicar un coeficiente de incremento do 1,60 ás cotas establecidas no artigo 95.1 do Real Decreto Legislativo 2/2004, de 5 de marzo.





Concello de Mugardos

-Se modifica o texto do artigo 6, que pasa a ter a seguinte redacción:

ARTIGO 6.-BONIFICACIÓNS.

Ao abeiro do artigo 95.6 do Real Decreto Lexislativo 2/2004, de 5 de marzo, establece as seguintes bonificacións:

1. En función da clase de carburante que consume o vehículo, en razón á incidencia da combustión no medio ambiente:

a) Gozarán dunha bonificación do 75% da cota do imposto, durante os cinco períodos impositivos seguintes a data da súa matriculación, os vehículos que utilicen exclusivamente combustible biogas, gas natural, gas natural comprimido e gas natural líquido (GNC e GNL), gas líquido, gas líquido de petróleo (GLP), metano, metanol, hidróxeno ou derivados de aceites vexetais.

Gozarán dunha bonificación do 50% da cota do imposto durante todo o que reste da súa vida útil os vehículos destas características.

Esta bonificación ten carácter rogado e surtirá efecto, no seu caso, dende o período impositivo seguinte a aquél no que se solicite, sempre que, se acredite ante o Concello ou ante a Deputación Provincial da Coruña no caso de delegar nesta administración as competencias en materia tributaria do imposto, ou o imposto municipal que o complementa ou substitúa no futuro, o cumprimento dos requisitos esixidos para o seu otorgamento. Para acceder a esta bonificación, o titular do vehículo deberá estar ao corrente no pago dos tributos municipais.

Para a súa concesión, os titulares dos vehículos deberán aportar a seguinte documentación:

- a) Solicitud normalizada de bonificación.
- b) Fotocopia do DNI do solicitante.
- c) Fotocopia e orixinal ou fotocopia compulsada do permiso de circulación do vehículo.
- d) Fotocopia e orixinal ou fotocopia compulsada da ficha técnica do vehículo, en vigor, que acredite a súa inclusión nalguna das categorías previstas neste apartado.

2. En función das características dos motores dos vehículos e a súa incidencia no medio ambiente:

a) Gozarán dunha bonificación do 75 % da cota do imposto, durante os cinco períodos impositivos seguintes dende a data da súa matriculación, os vehículos totalmente eléctricos e os vehículos impulsados exclusivamente con enerxía solar, vehículos eléctricos de batería (BEV), vehículo eléctrico de autonomía extendida (REEV), vehículo híbrido enchufable (PHEV) con unha autonomía mínima de 40 kilómetros ou vehículos de pila combustible.

Gozarán dunha bonificación do 50% da cota do imposto durante todo o que reste da súa vida útil os vehículos destas características.

b) Gozarán dunha bonificación do 50 % da cota do imposto, durante os cinco períodos impositivos seguintes dende a data da súa matriculación, os vehículos bimodais ou híbridos (motor eléctrico-gasolina, eléctrico-diesel ou eléctricos), vehículos híbridos enchufables con autonomía < 40 km, vehículos híbridos non enchufable (HEV).

Gozarán dunha bonificación do 25% da cota do imposto durante todo o que reste da súa vida útil os vehículos destas características.

Estas bonificacións teñen carácter rogado e surtirán efecto, no seu caso, dende o período impositivo seguinte a aquél no que se solicite, sempre que, se acredite ante o Concello ou ante a Deputación Provincial da Coruña no caso de delegar nesta administración as competencias en materia tributaria do imposto, ou o imposto municipal que o complementa ou substitúa no futuro, o cumprimento dos requisitos esixidos para o seu otorgamento. Para acceder a esta bonificación, o titular do vehículo deberá estar ao corrente no pago dos tributos municipais.





Concello de Mugardos

Para a súa concesión, os titulares dos vehículos deberán aportar a seguinte documentación:

- a) Solicitud normalizada de bonificación.
- b) Fotocopia do DNI do solicitante.
- c) Fotocopia e orixinal ou fotocopia compulsada do permiso de circulación do vehículo.
- d) Fotocopia e orixinal ou fotocopia compulsada da ficha técnica do vehículo, en vigor, que acredite a súa inclusión nalguna das categorías previstas neste apartado.

3. Gozarán dunha bonificación do 100% na cota os vehículos históricos, e do 50% aqueles que teñan una antigüidade mínima de 25 anos, contados a partir da data da súa fabricación ou, si ésta non se coñece, tomando como tal a da súa primeira matriculación ou, no seu defecto, a data en que o correspondente tipo ou variante se deixou de fabricar.

Estas bonificacións ten carácter rogado e surtirá efecto, no seu caso, dende o período impositivo seguinte a aquél no que se solicite, sempre que, se acredite ante o Concello ou ante a Deputación Provincial da Coruña no caso de delegar nesta administración as competencias en materia tributaria do imposto, ou o imposto municipal que o complemente ou substitúa no futuro, o cumprimento dos requisitos esixidos para o seu otorgamento, que son os seguintes:

- a) Que o titular do vehículo é o solicitante da bonificación.
- b) Que o vehículo esté catalogado como histórico polo órgano competente da comunidade autónoma, de ser o caso, ou que o vehículo teña unha antigüidade mínima de 25 anos, contados a partir da data da súa fabricación ou, si ésta non se coñece, tomando como tal a da súa primeira matriculación ou, no seu defecto, a data en que o correspondente tipo ou variante se deixou de fabricar.

Para a súa concesión, os titulares dos vehículos deberán aportar a seguinte documentación:

- a) Solicitud normalizada de bonificación.
- b) Fotocopia do DNI do solicitante.
- c) Fotocopia e orixinal ou fotocopia compulsada do certificado de características técnicas do vehículo ou ficha técnica do vehículo, en vigor, no seu caso.
- d) Fotocopia e orixinal ou fotocopia compulsada do permiso de circulación do vehículo e a catalogación, de ser o caso, como tal polo órgano competente da comunidade autónoma.

Para acceder a estas bonificacións, o titular do vehículo deberá estar ao corrente co concello por calquera concepto.

-Se elimina o apartado 4 do artigo 7, que pasa a ter a seguinte redacción:

ARTÍGO 7.-PERÍODO IMPOSITIVO E DEVENGO.

- 1. O período impositivo coincide co ano natural, salvo no caso de primeira adquisición dos vehículos. Neste caso, o período impositivo comenzará o día no que se produza dita adquisición.
- 2. O imposto se devenga o primeiro día do período impositivo.
- 3. O importe da cota do imposto ratearase por trimestre naturais nos casos de primeira adquisición ou baixa definitiva do vehículo. Tamén procederá o rateo da cota nos mesmos termos nos supostos de baixa temporal por sustracción ou roubo do vehículo, e elo dende o momento no que se produza dita baixa temporal no rexistro público correspondente.

-Se eliminan os apartados 2,3,4 e 5 , e modifícase o apartado 1 do artigo 8, e cambio de denominación, que pasa a ter a seguinte redacción:





Concello de Mugardos

ARTÍGO 8.-XESTIÓN TRIBUTARIA.

1. A xestión , liquidación, inspección e recadación , así como a revisión dos actos dictados en vía de xestión tributaria corresponde ao concello do domicilio que conste na Dirección Xeral de Tráfico.

-Se elimina o artigo 9.

-Se modifica o texto da disposición derradeira, que pasa a ter a seguinte redacción:

DISPOSICIÓN DERRADEIRA

A presente modificación desta ordenanza fiscal entrará en vigor o día da súa publicación no Boletín Oficial da Provincia comezará a aplicarse a partir do día 1 de xaneiro do 2026 e permanecerá en vigor ata a súa modificación ou derogación expresa.

CUARTA. De acordo co previsto no artigo 129 da Lei 39/2015, de 1 de outubro, do Procedemento Administrativo Común das Administracións Públicas, a Ordenanza Fiscal nº3-I reguladora do imposto sobre vehículos de tracción mecánica debe adecuarse aos chamados principios de boa regulación, isto son, os principios de necesidade, eficacia, proporcionalidade, seguridade xurídica, transparencia, e eficiencia, así como adecuarse ao cumprimento dos principios de estabilidade orzamentaria e sustentabilidade financeira.

A modificación proposta da Ordenanza Fiscal nº3-I Reguladora do Imposto sobre vehículos de tracción mecánica se adecua á normativa reguladora do mesmo, de maneira que se cumpren as limitacións en canto ao tipo de gravame, porcentaxes de bonificacións, e tanto nas modificacións propostas das bonificacións existentes amparanse na lexislación vixente e atopáanse dentro dos porcentaxes máximos regulados na normativa vixente.

Segundo os datos do padrón do imposto sobre vehículos de tracción mecánica de 2025, as contías estimadas de ingresos serían as seguintes:

DEUDA TRIBUTARIA A COBRAR IVTM PADRON 2025	253.230,94 €
DEUDA TRIBUTARIA A COBRAR IVTM SEGUNDO PROPOSTA DE MODIFICACIÓN DA OF (EN VIGOR PARA 2026)	281.104,86 €
INCREMENTO INGRESOS COA MODIFICACION DA OF Nº3-I PROPOSTA	27.873,92 €

É por iso que queda suficientemente xustificado o cumprimento dos principios de boa regulación e de estabilidade orzamentaria e sustentabilidade financeira, pois as contías estimadas de ingresos e custos non xeran déficit e si superávit de xestión, da Ordenanza Fiscal nº3-I Reguladora do Imposto sobre vehículos de tracción mecánica.

Sendo o resultado do control permanente previo do expediente:

☒ **Favorable.**

☐ **Desfavorable.**

Asinado electrónicamente pola Interventora do Concello de Mugardos, Ana María Gómez Peña, na data que figura no panel de sinaturas.

